

Broj: 04/3-19-13/24  
Sarajevo, 09.01.2024.godine

Bosna i Hercegovina  
Federacija Bosne i Hercegovine  
Vlada  
N/p: Sekretara  
Hamdije Čemerlića 2  
Sarajevo

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 12-01-2024			
Org. jed.	Broj	Priloga	Vrijednost
05/1	-02-	413/	23

**Predmet: Poslaničko pitanje, dostava odgovora**  
**Veza: Vaš akt broj: 03-04-1540-30/2023 od 28.12.2023.godine**

Vašim aktom, broj gornji, obratili ste se nadležnim ministarstvima za okoliš, prostorno uređenje, rad i socijalnu politiku, radi davanja odgovora na dostavljeno poslaničko pitanje, koje je na nastavku 4. redovne sjednice Predstavničkog doma Parlamenta Federacije BiH, održane 21.12.2023.godine, postavila Alma Kratina, poslanik u Predstavničkom domu.

Pitanje je upućeno Ministrici Nasihi Pozder, u vezi aplikacije za pomoć sredstava EU i ograničenja definisanih Javnim pozivom ukoliko je podnosioc prijave ostvario finansijsku pomoć, odnosno podršku energetske siromašnim potrošačima, iz Budžetske podrške EU realiziranog putem Federalnog ministarstva rada i socijalne politike.

Slijedom pitanja, ispred Federalnog ministarstva okoliša i turizma, dajemo slijedeći odgovor:

- Vijeće Ministara Bosne i Hercegovine je, na sjednici održanoj 22.12.2022.godine, usvojilo Akcioni plan/Mapu puta za Ugovor o paketu energetske podrške za državu i izgradnju otpornosti,
- usvajanjem navedenog Akcionog plana/Mape puta ispunjen je preduslov za potpisivanje Finansijskog sporazuma IPA III za 2023. godinu, između Bosne i Hercegovine i Evropske komisije;
- Finansijski sporazum za pretpristupnu pomoć, IPA III za 2023.godinu, BiH je potpisala i ratifikovala u aprilu 2023. godine, što je osnova za početak provođenja Ugovora o paketu energetske podrške državi i izgradnji otpornosti;
- Akcionim planom/Mapom puta definirana je Mjera 1.: Podrška energetske siromašnim potrošačima/ugroženim domaćinstvima da prevaziđu povećanje cijena računa za grijanje, te Mjera 4.: Podrška mjerama energijske efikasnosti za stambene zgrade, mjere energijske efikasnosti u malim i srednjim preduzećima i domaćinstvima, uz

naglašavanje da se u okviru realizacije Mjere 4. neće podržati isti korisnici koji su uključeni u realizaciju Mjere 1.. Ovdje se radi o različitim programima koji ciljaju dvije različite kategorije stanovništva. Prva grupa je ona koja je relativno siromašna i kojoj je potrebna direktna novčana podrška, dok druga grupa je grupa koja nije u relativnom siromaštvu, pa je Programom ubuhvaćeno sufinansiranje mjera energijske efikasnosti, za razliku od prve grupe kojoj se dodjeljuje direktna finansijska pomoć. Programom se može povećati energijska efikasnost, smanjiti potrošnja energije, a time uticati i na smanjenje zagađenosti zraka. Dakle, očekivani uticaj i ciljne populacije su različite, prva je usmjerena na siromašne, dok je druga usmjerena na energijsku efikasnost;

- slijedom naprijed navedenog, Vlada Federacije Bosne i Hercegovine je bila u obavezi da se, u okviru implementacije Budžetske podrške EU za energetske potrebe, prilikom pripreme, usvajanja i implementacije Programa utroška za komponente budžetske podrške EU pridržava obaveza i uvjeta utvrđenih međunarodnim Ugovorom;
- Fond za zaštitu okoliša Federacije BiH je raspisao Javni poziv za dodjelu sredstava iz Budžetske podrške EU za provođenje mjera energijske efikasnosti u stambenim objektima, na osnovu Zaključka Vlade FBiH V. broj 1722/22 od 24.11.2022. godine i Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen Budžetom Federacije BiH za 2023. godinu, Federalnom ministarstvu prostornog uređenja, koji su uobzirili uvjete donatora.

Iz prethodno navedenog, vidljivo je da Federalno ministarstvo okoliša i turizma nije definiralo uvjete u javnom pozivu, niti je nosilac aktivnosti za realizaciju budžetske podrške EU.

S poštovanjem,



Dostaviti.

- imenovanom
- Predstavnički dom Parlamenta FBiH, n/p poslanika: Alma Kratina
- Federalno ministarstvo prostornog uređenja
- Federalno ministarstvo rada i socijalne politike
- arhiva